



Hans Enoksen
Naleraq
/Maani

§ 37 naapertorlugu 1990-imi aalisarnermut inatsisip nutaap akuerineqarnissaata tungaanut peruserineqarsimasut siunertarineqarlunilu taamanikkut rejarniarnerup aaqqissuiffigeqqinneqarneqarnissaa pillugu misissuinerit pillugit apeqqut 196_2022-mut akissut

Brevdato: 27-10-2022
Sagsnr. 2022 - 20815
P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Inatsisartut Suleriaasiat § 37 naapertorlugu 1990-imi aalisarnermut inatsisip nutaap akuerineqarnissaata tungaanut peruserineqarsimasut siunertarineqarlunilu taamanikkut raajarniarnerup aaqqissuiffiqarneqarnissaa pillugu attuumassuteqanngitsumik misissuinerit pillugit apeqquteqarput. Apeqqutitit uannut akisassanngortinneqarput.

Apeqqutit ataasiakkaartumik issuarneqassapput, kingornalu akineqarlutik.

Apeqqut 1: Aalisartut ingerlariaqqikkusuttut peqatigiiffiat AIP-mut misissuisitsineq qanoq ingerlava?

Akissut: 2021-mi aningaasanut inatsisissatut siunnersuummik isumaqatiginninniarnermi, 1990-imi aalisarnermut inatsisip nutaap akuerineqarnissaata tungaanut peruserineqarsimasut siunertarineqarlunilu, taamanikkut raajarniarnerup aaqqissuuteqqinnera pillugu attuumassuteqanngitsumik nassuiaasiortoqassasoq aalajangiunneqarpoq.

23. september 2022-mi Aningaasaqarnermut Naligiissitaanermullu Naalakkersuisoqarfik Eqqartuussissuserisoqarfimmit Malling & Hansen Dammimit suliaq pillugu nassuiaat tiguaa.

Nassuiaat maanna nutserneqarpoq, Naalakkersuinullu saqqummiunneqareerpat Aningaasaqarnermut Akileraartarnermullu Ataatsimiititaliamut kiisalu AIP-mut aamma KNAPK-mut nassiuunneqassasoq naatsorsuutigineqarluni.

Apeqqut 2: Aalisartut ingerlariaqqikkusuttut peqatigiiffiat AIP tassani misissuinerimi ilaatinneqarpaa?

Akissut: Eqqartuussissuserisoqarfiup misissuinerani allaqqavoq, AIP-p siulittaasua Karl Ingemann ataatsimeeqatigineqartoq, ataatsimiinnermilu suliat oqaluuserineqarlutik. Atuarneqarsinnaallunilu KNAPK ataatsimiinnermi aamma peqataasimasoq. Kiisalu 1990-ikkunni aamma 2000-illu qaammataani arfinilinni siullerni inuit aaqqissuusseqqinnermit eqqugaasut sinniisuinik eqqartuussissuserisoqarfik ataatsimeeqateqartoq.

Apeqquut 3: Kikkunnit suliassaq ingerlanneqarpa?

Akissut: Kina suliassamik misissuititsinissamut allartitsinissamik akisussaasoq apeqqutigineqarpoq. Ilisimatitsissutigineqarsinnaavoq, Aningaasaqarnermut Naligiissitaanermullu Naalackersuisoqarfiup Eqqartuussissuserisoqarfik Malling & Hansen Damm misissuinissamut saaffiginikuugaa.

a) **Aammalu suliakkiussut qaqugu naammassissava?**

Apeqquut 1-imut akissut innersuussutigineqarpoq.

Apeqquut 4: AIP sooq misissuisitsinermi ilaatinneqanngila?

Apeqquut 2-mut akissummi allanneqareersutut AIP misissuinermi ilaatinneqarpoq.

Apeqquut 5: Aalisartut ingerlariaqqikkusuttut peqatigiiffiat AIP suliaq naammassipat siulersuisui naapinneqarlutik ataatsimeeqqatigineqassappaat?

Akissut: Naalackersuisut eqqartuussissuserisoqarfimmit nassuiaat suli suliarinngilaat, taamaammallu apeqquut suli akineqarsinnaanngilaq.

Apeqquut 6: Naalackersuisut qanoq eqqarsarpat AIP-mut tunngasunik sulianut peqataanissaminnut.

Akissut: Apeqquummut siulianut akissut innersuussutigineqarpoq.

Inussiarnersumik inuulluaqqusillunga



Naaja H. Nathanielsen